



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. **+387 33 726 400**
fax. **+387 33 726 423**
e – mail: info@voda.ba

Broj: **UP-1/21-3-40-033-4/22**

Datum: **15.02.2022. godine**

„Agencija za vodno područje rijeke Save“ Sarajevo rješavajući po zahtjevu „KRUPA KABINE“ d.o.o. Bosanska Krupa, za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične uticaje na vode prilikom izvođenja aktivnosti na lokaciji postrojenja za proizvodnju kabina za radne strojeve sa pratećim sadržajima, izgrađenog u naselju Halkići, općina Bosanska Krupa na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200 stav (1) Zakona o upravnom postupku („Službene novine Federacije BiH“, broj 2/98 i 48/99), donosi:

R J E Š E N J E **o vodnoj dozvoli**

1. Daje se vodna dozvola pravnom licu „KRUPA KABINE“ d.o.o. Bosanska Krupa, za ispuštanje oborinskih onečišćenih voda i aktivnosti koje mogu imati specifične uticaje na vode prilikom izvođenja aktivnosti na lokaciji postrojenja za proizvodnju kabina za radne strojeve sa pratećim sadržajima, izgrađenog na zemljištu označenom kao k.č. br. 12/123-4, 12/60-1, 12/60-2, 12/60-3, 12/60-4, 12/60-5, 12/60-6, 12/60-7, 12/60-8, 12/60-9, PL 510, K.O. Bosanska Krupa, Općina Bosanska Krupa.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2.
3. Rješenje o vodnoj dozvoli se donosi na osnovu činjeničnog stanja utvrđenog pregledom dostavljenje dokumentacije, dostavljenim dinamičkim planom i izvršenim uviđajem na objektu i pod slijedećim uslovima:
 - 3.1. Da korisnik predmetnog proizvodnog kompleksa sa pratećim sadržajima izvrši dopunu dostavljene projektne dokumentacije – „Glavni projekt vanjske hidroinstalacije – izvedeno stanje sa dopunom“, urađenom od strane IBIS d.o.o. Zavidovići pod brojem 24-IB-G/16 aprila 2016. godine, na način:
 - Da se u periodu važenja ove vodne dozvole izvedu radovi predviđeni projektnom dokumentacijom „Glavni projekat zaštite poslovnog kompleksa „Krupa kabine“ od uticaja pojave velikih voda T1/100“, u svrhu zaštite predmetnog kompleksa, na dijelu poslovnog kompleksa na kojem nije izveden zaštitni nasip duž saobraćajnice M-14 – te za ulaznu i izlaznu kapiju sa portirnicom (da se konstantno obezbijedi dovoljan broj vreća sa pijeskom u neposrednoj blizini kapija, ili slično, radi intervencije brzog postavljanja zaštite od pojave i prodora velikih voda), i to na osnovu dostavljenog dinamičkog plana,

- 3.2. Dopunjenom i revidiranom projektnom dokumentacijom obezbjediti da prečišćene otpadne vode prije ispuštanja u površinsku vodu moraju da zadovolje granične vrijednosti emisije iz tabele 1. Priloga 28. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).
- 3.3. Da se izvrše svi predviđeni radovi po tehničkoj revidovanoj dokumentaciji te ugradnja predviđene opreme i uređaja.
- 3.4. Da se osigura da se onečišćene oborinske vode sa pretakališnih površina loživa ulja i pretakališta termalnog ulja, kao i oborinske vode sa internih saobraćajnih i manipulativnih površina nesmetano sakupljaju i odvođe do objekata predviđenih za tretman onečišćenih oborinskih voda (separator ulja i masti), a zatim tretirane vode ispuštaju u vodotok – rijeku Unu, na čijoj lijevoj obali je izgrađen predmetni kompleks.
- 3.5. Da se iz monitoring okna (iza putoka za tretman sanitarnih otpadnih voda te separatora ulja i masti za tretman zauljenih oborinskih voda sa prostora internih saobraćajnih, pretakališnih i manipulativnih površina) uzimaju uzorci prečišćenih otpadnih voda za kontrolu od strane nadležnog pravnog lica po ugovoru.
- 3.6. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije pravno lice „KRUPA KABINE“ d.o.o. Bosanska Krupa može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.7. Da se prema dopunjenoj i revidiranoj projektnoj dokumentaciji redovito vrši monitoring prečišćenih oborinskih onečišćenih voda i sanitarne otpadne vode iz okana za monitoring shodno Uredbi o uslovima ispuštanja otpadnih voda u okoliš i sisteme javne kanalizacije («Službene novine Federacije BiH» broj 26/20 i 96/20), te pojedinačne i zbirne godišnje izvještaje dostavi Agenciji.

Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10).
- 3.8. Osigurati priručna sredstva za brzu intervenciju u zoni pretakališta loživog ulja, u slučaju nekontrolisanog istjecanja loživa i termalnog ulja, kako bi se spriječilo moguće onečišćenje voda i tla (piljevina, prikladni adsorbensi, odgovarajuće posude, uređaji za pretakanje i sl.).
- 3.9. Opasni materijal i otpad, kako u toku izvođenja radova tako i u toku rada pogona ne smije ni privremeno odlagati na česticu «vodno dobro», odnosno u vodotok i na njegove obale.
- 3.10. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.11. Da se redovno vrši osmatranje vodnog objekta (zaštitni nasip sa dijelovima zaštitnog zida) i u slučaju eventualnog uočavanja procesa erozije potrebno je poduzeti sve raspoložive mjere da se iste blagovremeno zaštite u skladu sa odgovarajućim rješenjem.
- 3.12. Da se sa opasnim i štetnim materijama (loživo i termomineralno ulje i sl.) postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed prosipanja istih.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku

i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada).

5. U periodu važenja ove dozvole, korisnik predmetnog kompleksa je dužan ispoštovati sve mjere i aktivnosti propisane istom.
6. Ukoliko radom predmetnog pogona dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Vlasnik odnosno korisnik objekta nema pravo na naknadu eventualnih šteta prouzrokovanih plavljenjem uslijed neizvedenih a planiranih radova izrade zaštitnih objekata od pojave velikih voda T1/100, i iste padaju na njegov teret u skladu sa članom 149. Zakona o vodama.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 129. stav (1) Zakona o vodama se daje sa rokom važenja do **19.12.2023.** godine, od dana pravosnažnosti ovog rješenja.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.

O b r a z l o ž e n j e

Pravno lice „KRUPA KABINE“ d.o.o. Bosanska Krupa, obratilo se ovoj Agenciji dana 31.01.2022. godine sa zahtjevom za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične uticaje na vode prilikom provođenja proizvodnih procesa i ostalih aktivnosti na lokaciji postrojenja za proizvodnju kabina sa pratećim sadržajima, izgrađenog na zemljištu označenom kao k.č. br. 12/123-4, 12/60-1, 12/60-2, 12/60-3, 12/60-4, 12/60-5, 12/60-6, 12/60-7, 12/60-8, 12/60-9, PL 510, K.O. Bosanska Krupa općina Bosanska Krupa.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra, matični broj upisa: 1-435-00, int. 149, izdanog dana 13.01.2022. godine, od strane Općinskog suda u Bihaću,
- Ovjerena kopija Uvjerenja o poreznoj registraciji, izdanog dana 23.10.2009. godine, od strane Federalnog ministarstva finansija, Porezne uprave – Kantonalni ured UNSKO-SANSKOG KANTONA,
- Ovjerena kopija Uvjerenja o registraciji/upisu u Jedinствeni registar obveznika indirektnih poreza, izdanog od strane Uprave za indirektno-neizravno oporezivanje Banjaluka pod brojem 04/1-17-1-32-358-8/09 dana 26.11.2009. godine, u Banjaluci,
- Kopija uplatnice upravne pristojbe,
- Opći akt o održavanju, korištenju i osmatranju vodoprivrednog objekta – „KRUPA KABINE“ d.o.o. Bosanska Krupa, urađenog pod brojem 2621-1/16 dana 27.04.2016. godine, u Bosanskoj Krupi,
- Kopija rješenja o okolišnoj dozvoli, izdanog od strane Ministarstva za građenje, prostorno uređenje i zaštitu okoline Unsko-sanskog kantona pod brojem 11/2-23-13833-UP-1/17 dana 27.12.2017. godine,
- Kopija Rješenja, kojim se odobrava „Krupa-Kabine“ d.o.o. Bosanska Krupa da kao investitor može pristupiti izvođenju radova na dogradnji proizvodnih objekata – hale „C“ i „D“, dimenzija 140,80 m x 12,00 m – „C“ 128,25 m x 12,00 m – hala „D“, spratnosti visoko

prizemlje; izdanog od strane Službe za prostorno uređenje, građenje i zaštitu okoliša općine Bosanska Krupa pod brojem UP-1-04-23-1-3087/12 dana 21.01.2013. godine,

- Kopija Uvjerenja, kojim se utvrđuje da je FTV „GOŠA“ iz Bos. Krupe posjedovala urbanističku saglasnost, odobrenje za građenje i odobrenje za upotrebu za sljedeće poslovno-proizvodne objekte: 1. Hala za mašinsku proizvodnju uplanjene površine 3150 m² na k.č. br. 12/60-2; 2. Hala br. 2 za mašinsku proizvodnju uplanjene površine 3390 m² na k.č. br. 12/60-3; 3. Tehnička priprema uplanjene površine 233 m² na k.č. br. 12/60-5; Društvena ishrana uplanjene površine 279 m² na k.č. br. 12/60-4; 5. Kotlovnica i trafostanica uplanjene površine 520 m² na k.č. br. 12/60-6; 6. Portirnica uplanjene površine 40 m² na k.č. br. 12/60-7, k.o. Perna 1, p.l. br. 510, sada u posjedu d.o.o. „KRUPA KABINE“ iz Bos.Krupe.

I da je d.o.o. „KRUPA KABINE“ posjedovala urbanističku saglasnost i odobrenje za građenje za sljedeće poslovno proizvodne objekte: 1. lakirnica uplanjene površine 325 m² na k.č. br. 12/60-8; 2. Plinara uplanjene površine 72 m² na k.č. br. 12/60-9, k.o. Perna 1, p.l. br. 510, u posjedu d.o.o. „KRUPA KABINE“ iz Bos. Krupe; izdano od strane Službe za prostorno uređenje, građenje i zaštitu okoliša općine Bosanska Krupa pod brojem UP-1-04-23-6-897/10 dana 26.04.2010. godine,

- Kopija rješenja o prethodno izdatoj vodnoj dozvoli, izdanog od strane Agencije za vodno područje rijeke Save pod brojem UP-I/25-2-40-263-8/16 dana 30.06.2016. godine,
- Kopija Izvještaja o monitoringu kvaliteta i kvantiteta otpadnih voda za pogon „KRUPA KABINE“ Bosanska krupa; urađen od strane „Inspekt – RGH“ d.o.o. Sarajevo pod brojem 1639/21 dana 11.11.2021. godine, u Sarajevu,
- Zaključak o visini i roku za plaćanje posebnih troškova, izdan od strane Agencije za vodno područje rijeke Save pod brojem UP-1/21-3-40-033-2/22 dana 04.02.2022. godine, te kopija uplatnice iznosa po istom.
- Kopija uplatnice vodne naknade po EBS za 12/2021,
- Kopija Izvještaja o obračunu broja Ekvivalentnih Stanovnika za mjesec decembar 2021. godine (Obrazac „EBS“)

Tehnička dokumentacija:

- Glavni projekt vanjske hidroinstalacije – izvedeno stanje sa dopunom za poslovni i proizvodni objekt – postrojenje za proizvodnju kabina sa pratećim sadržajima; urađen od strane IBIS d.o.o. Zavidovići pod brojem 24-IB-G/16 aprila 2016. godine, u Zavidovićima (na uvid),
- Glavni projekat zaštite poslovnog kompleksa Krupa kabine od utjecaja velikih voda T1/100; urađen od strane „Euroing“ doo Bihać pod brojem AGP 01-01/22 od decembra 2021. godine, (na uvid)
- Izvještaj o reviziji glavnog projekta zaštite poslovnog kompleksa Krupa kabine od utjecaja velikih voda 1/100; urađen od strane „TQM“ doo Lukavac pod brojem 10-11/22 – broj protokola 144/22 od 13.01.2022. godine, (na uvid)
- Dinamički plan radova na izgradnji sistema zaštite od utjecaja stogodišnjih voda u Krupa kabinama doo, u Bosanskoj Krupi od 10.02.2022. godine,
- Uputstvo i atest za ugrađeni separator ulja i masti Aquareg S 50 bp 5 proizvođača Regeneracija – Velika Kladuša,

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20), izvršen je pregled izgrađenog kompleksa za proizvodnju kabina sa pratećim sadržajima na lokaciji Halkići, općina Bosanska Krupa, pravnog lica „KRUPA KABINE“ d.o.o. Bosanska Krupa, i tom prilikom sačinjen zapisnik o uviđaju broj: UP-1/21-3-40-033-3/22 od 09.02.2022. godine pri čemu je utvrđeno:

Kompleks postrojenja za proizvodnju kabina za radne strojeve je izgrađen na lijevoj obali rijeke Une, u inundacionom području, smješten između korita rijeke Une i magistralne ceste M 14 – Bihać – Bosanski Novi, u naselju Halkići, općina Bosanska Krupa.

Kompleks se sastoji od: - objekta proizvodne hale sa procesom zavarivanja, objekta restorana društvene ishrane, objekta upravne zgrade, objekta kotlovnice sa transformatorskom i kompresorskom stanicom te spremnikom loživa ulja kapaciteta 50 m³ i spremnikom termomineralnog ulja kapaciteta 16 m³, objekta stanice tehničkog plina, objekta zaštitnog nasipa i zaštitnog zida sa tri strane poslovnog kompleksa od dejstva velikih voda rijeke Une ranga pojave 1/100, internih saobraćajnih i manipulativnih površina, objekta portinice sa kliznom kapijom na ulaznoj kapiji i izlaznom kapijom prema Bos. Otoci, i metalnom ogradom oko cijelog kompleksa.

Tehnološki postupak počinje dovozom sirovina (limovi i cijevi) te skladištenje istih unutar hale. Potom se radi mašinska obrada rezanja, savijanja te na kraju zavarivanja u gotove elemente, koji se na kraju proizvodnog procesa antikorozivno nezaštićeni odvoze na lakiranje i montažu u proizvodne pogone u Sloveniji i Italiji. U tehnološkom postupku izrade kabina za radne i građevinske strojeve ne koristi se voda, a radni prostori se čiste suhim postupkom.

Grijanje radnih prostorija se vrši zagrijavanjem termomineralnog ulja u kotlu kapaciteta 2 MW, smještenog u objektu kotlovnice, uz koji su smješteni i spremnici loživa i termomineralna ulja. Sav metalni otpad prema ugovoru otkupljuje i odvozi firma za prikupljanje sekundarnih sirovina.

Objekt je priključen na javni gradski vodovodni sistem za potrebe sanitarne vode i vode za protivpožarnu zaštitu. Sanitarne i fekalne otpadne vode se cijevnim sistemom odvođe do uređaja za prečišćavanje – putox-a, u skopu kojeg su izvedeni i biološki bazeni i taložnici. Oborinske vode sa krovova objekata se sistemom horizontalnih i vertikalnih oluka svode do revizionih šahtova na tlu a potom se cijevnim sistemom odvođe direktno do ispusta u korito rijeke Une. Oborinske vode sa manipulativnih i internih saobraćajnih površina te površina za pretakanje loživa i termalna ulja se prikupljaju putem uličnih slivnika i odvođe do separatora ulja i masti na tretman a zatim tretirane vode ispuštaju u rijeku Unu. Dostavljenom projektnom dokumentacijom je predviđeno ukidanje ispusta broj 2 što je i izvedeno, te se vrši usmjeravanje svih oborinskih onečišćenih voda na separator ulja i masti te potom ispuštaju u zacijevljeni kanal promjera 1200 mm sa žabljim poklopcem, posredno u rijeku Unu. Na isti ispušt je provedeno i ispuštanje prečišćenih sanitarnih otpadnih voda.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka i utvrđenog činjeničnog stanja, doneseno je rješenje kao u dispozitivu.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Fuad Mujagić, dipl. inž.

Po ovlaštenju
Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- „KRUPA KABINE“ d.o.o. Bosanska Krupa, Unska bb, 77 240 Bosanska Krupa
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča-AVP